

Broj: 02-14/5-2398/15
Sarajevo, 26.01.2016. godine

Na osnovu člana 70. stav 3. i člana 89. Zakona o javnim nabavkama ("Službeni glasnik BiH", broj: 39/14), a u vezi sa članom 11. Pravilnika o postupku direktnog sporazuma i o javnim nabavkama Federalnog ministarstva rada i socijalne politike br. 02-02/8-1501/15 od 16.06.2015. godine, federalni ministar rada i socijalne politike,
d o n o s i

ODLUKU

o dodjeli ugovora najpovoljnijem ponuđaču za javne nabavke robe u cilju nabavke kancelarijskog materijala za LOT 2

I

Dodjeljuje se ugovor za javne nabavke robe u cilju nabavke kancelarijskog materijala za potrebe Federalnog ministarstva rada i socijalne politike ponuđaču „R&S“ d.o.o. Sarajevo, a nakon sprovedenog konkurentskog postupka po Odluci broj: 02-14/5-2398/15 od 13.10.2015.godine, za koji je objavljeno Obavještenje na Portalu javnih nabavki dana 31.12.2015. godine, br. 327-7-1-9-3-6/15.

II

Zadužuje se Sektor za pravne i kadrovske, ekonomsko-finansijske i opšte poslove da u roku od tri dana, a najkasnije u roku od sedam dana od dana donošenja ove Odluke istu dostavi svim ponuđačima koji su učestvovali u konkurentskom postupku javne nabavke (LOT2) i time ih ujedno obavijesti o rezultatima analize pristiglih ponuda.

III

Po okončanju roka za prigovor-žalbu ugovorni organ će sa izabranim ponuđačem zaključiti ugovor kojim će se regulisati međusobna prava i obaveze vezano za predmetnu nabavku shodno zahtjevima - uslovima ugovornog organa navedenim u Tenderskoj dokumentaciji i zakonskim propisima koji regulišu postupke ugovaranja.

IV

Ova odluka stupa danom donošenja.

Образложење

Ugovorni organ Federalno ministarstvo rada i socijalne politike je sproveo konkurentski postupak za javne nabavke robe u cilju nabavke kancelarijskog materijala. U roku predviđenim konkurentskim zahtjevom pristiglo je šest (6) ponuda i to:

1. Ponuđač DRIME d.o.o. iz Sarajeva, čija je cijena ponude 26.337,33 KM bez PDV-a odnosno 30.814,68 KM sa PDV-om
2. Ponuđač R&S d.o.o. iz Vogošće, čija cijena je ponude 4.361,05 KM bez PDV-a odnosno 5.102,43 KM sa PDV-om,
3. Ponuđač DEFTER d.o.o. iz Sarajeva, čija je cijena ponude 4.368,20 KM bez PDV-a odnosno 5.110,79 KM sa PDV-om,

4. Ponuđač „EXCLUSIVE“ d.o.o. iz Sarajeva, čija je cijena ponude 8.964,48 KM bez PDV-a odnosno 10.488,44 KM sa PDV-om,
5. Ponuđač „CROBOX“ d.o.o. iz Sarajeva, čija je cijena ponude 5.545,27 KM bez PDV-a odnosno 6.487,96 KM sa PDV-om,
6. Ponuđač „MAKROMIKRO“ d.o.o. iz Sarajeva, čija je cijena ponude 3.735,00 KM bez PDV-a odnosno 4.369,95 KM sa PDV-om.

Nakon verifikacije kvalifikacione dokumentacije kojom se dokazuje podobnost ponuđača Komisija je konstatovala da su ponuđači „DEFTER“ d.o.o. Sarajevo, „R&S“ d.o.o. Vogošća i „EXCLUSIVE“ d.o.o. Sarajevo, dostavili svu potrebnu dokumentaciju. Ponude ponuđača „DRIME“ d.o.o. iz Sarajeva i ponuda ponuđača „MAKROMIKRO“ d.o.o. Sarajevo nije prihvatljiva, jer ponude nisu uvezane u skladu sa tenderskom dokumentacijom. Ponuđača „CROBOX“ d.o.o. iz Sarajeva dostavio je ponudu uvezanu zajedno za LOT 1 i LOT 2 što je u suprotnosti sa tenderskom dokumentacijom.

Ponuđač „DEFTER“ d.o.o dostavio je potvrdu o preferencijalnom tretmanu domaćeg, koja nije mogla biti uzeta u obzir. Naime, dostavljena je Izjava iz Aneksa 6 TD, uz potvrdu Vanjskotrgovinske komore BiH, a koja ne potvrđuje da je najmanje 50% ukupne vrijednosti od ponuđenih roba za LOT 2 imaju porijeklo iz BiH, čime nisu ostvareni i Zakonom o javnim nabavkama propisani uslovi za primjenu preferencijalnog tretmana domaćeg (član 67. Zakona o javnim nabavkama BiH, u vezi sa Odlukom o obaveznoj primjeni preferencijalnog tretmana domaćeg donesene od strane Vijeća ministara BiH „Službeni glasnik BiH“, br. 103/14).

Kao najuspješnija ponuda za javne nabavke robe u cilju nabavke kancelarijskog materijala za potrebe Federalnog ministarstva rada i socijalne politike za LOT 2, „**najniža cijena tehnički zadovoljavajuće ponude**“ ocijenjena je ponuda ponuđača „R&S“ d.o.o. Sarajevo, čija je cijena ponude 4.361,05 KM bez PDV-a odnosno 5.102,43 KM sa PDV-om, te da ista u potpunosti zadovoljava sve kriterije ugovornog organa navedene u tenderskoj dokumentaciji. Ugovorom sa ponuđačem „R&S“ d.o.o. Sarajevo, precizirat će se pojedinosti oko nabavke robe u cilju nabavke kancelarijskog materijala za potrebe Federalnog ministarstva rada i socijalne politike, a u skladu sa zahtjevima iz konkurentskog zahtjeva za dostavljanje ponuda.

Na osnovu svega navedenog, federalni ministar rada i socijalne politike je prihvatio preporuku Komisije imenovane Rješenjem br. 02-14/3-2398/15 dana 20.10.2015. godine, te je odlučeno kao u dispozitivu.

Pouka o pravnom lijeku:

Svaki ponuđač koji smatra da je ugovorni organ u toku konkretnog postupka kod izbora napovoljnijeg ponuđača prekršio odredbe Zakona o javnim nabavkama i/ili podzakonskih akata ima pravo uložiti žalbu na postupak u pisanoj formi u roku od pet (5) dana od dana zaprimanja odluke o izboru najpovoljnijeg ponuđača. Žalba se podnosi Uredu za razmatranje žalbi BiH, putem ugovornog organa i na način propisan Zakonom.

DOSTAVLJENO:

- Ponuđačima
- Sektoru za pravne i kadrovske, ekonomsko-finansijske i opšte poslove
- a/a

MINISTAR

Vesko Drljača

